


Registaro de Venezuelo rompas diplomaciajn rilatojn kun Peruo



Havano, jul 31 (RHK) La Registaro de Venezuelo decidis rompi diplomaciajn rilatojn kun Peruo, post deklaroj de la aŭtoritatoj de la anda lando, kiuj pridubis la oficialajn rezultojn de la prezidentaj elektoj, en kiuj la prezidento Nicolás Maduro eliris venkinta.

La decido estis farita "surbaze de Artikolo 45 de la Viena Konvencio pri Diplomaciaj Rilatoj de 1961", diris la venezuela ministro pri eksteraj aferoj, Yván Gil en sia konto en la socia reto X.

"Ni estas devigitaj fari ĉi tiun decidon post la malprudentaj deklaroj de la perua ministro pri eksteraj aferoj, kiuj ignoras la volon de la venezuela popolo kaj nian Konstitucion", li klarigis.

La antaŭan tagon, la venezuelaj aŭtoritatoj ordonis la retiron de sia diplomacia personaro el Peruo kaj ses aliaj latin-amerikaj landoj, sekvante kion ili priskribis kiel "enmiksiĝajn agojn kaj deklarojn" de "dekstraj registaroj subordigitaj al Vaŝingtono".

Siavice, Lima instrukiis, ke venezuelaj diplomaciaj oficistoj tie akredititaj estu informitaj, ke ili devas forlasi sian teritorion en "daŭro de ne pli ol 72 horoj" pro "la seriozaj kaj arbitraj decidoj" prenitaj de Karakaso.

Fonto: RT

<https://www.radiohc.cu/eo/noticias/internacionales/361599-registaro-de-venezuelo-rompas-diplomatiajn-rilatojn-kun-peruo>



Radio Habana Cuba